



a/9

Broj: I-25 -965-11/16  
Mostar, 10.11.2016.g.

Na osnovu člana 64. stav (1) tačka b), člana 70. stavovi (1), (3) i (6), člana 89. Zakona o javnim nabavkama („Službeni glasnik BiH“ broj: 39/14), člana 8. stav (2) tačke d) Pravilnika o uspostavljanju i radu Komisije za nabavke („Službeni glasnik BiH“ broj: 103/14), člana 4. Pravilnika o unutrašnjoj organizaciji Agencije „Stari grad“ („Službeni glasnik Grada Mostara“ broj: 4/06) i na osnovu Rješenja Gradonačelnika o imenovanju direktora broj: UP I:02-36-2462/05 od 26.03.2007.godine, te na osnovu preporuke Komisije za nabavke utvrđene u zapisniku o ocjeni ponuda broj: I-25-965-10/16 od 09.11.2016.godine u postupku javne nabavke radova: JRJN:45316100-6, Iluminacija starog grada Blagaja (utvrde herceg Stjepan grada) u Blagaju kod Mostara, direktor Agencije „Stari grad“ donosi

### **ODLUKA** **o izboru najpovoljnijeg ponuđača**

#### **Član 1.**

Prihvata se Preporuka Komisije za nabavku, koja je utvrđena u zapisniku o ocjeni ponuda, broj: I-25-965-10/16 od 09.11.2016.godine i Ugovor za javnu nabavku radova: **Iluminacija starog grada Blagaja (utvrde herceg Stjepan grada) u Blagaju kod Mostara, konkurentski postupak, brojčana oznaka JRJN: 45316100-6, dodjeljuje se ponuđaču "AMITEA" d.o.o. Mostar, sa sjedištem Bišće polje bb, 88104 Mostar, ponuda broj: 49/16 od 07.11.2016.g. dostavljena dana 08.11.2016.godine, za ponuđenu cijenu od 33.797,79 KM sa PDV-om (tridesettrihiljadesedamstodevedesetsedamkonvertibilnihmaraka i 79/100), kao najpovoljnijem ponuđaču.**

#### **Član 2.**

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45. Zakona o javnim nabavkama .

#### **Član 3.**

Prijedlog ugovora o nabavci dostaviće se na potpis izabranom ponuđaču nakon isteka roka od 7 (sedam) dana, računajući od dana kada su svi ponuđači obavješteni o izboru najpovoljnije ponude.

#### **Član 4.**

Ova Odluka objaviće se na internet stranici Agencije „Stari grad“ ([www.asgmo.ba](http://www.asgmo.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### **Član 5.**

Za izvršenje odluke zadužuje se i ovlašćuje Miladu Elezović, viši stručni saradnik Agencije.



## Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 70. stav (2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: I-25-965/16 od 21.10.2016.godine.

Komisija za nabavke imenovana je rješenjem direktora Agencije "Stari grad" broj: I-25-965-2/15 od 21.10.2016.godine.

Javna nabavka je sprovedena konkurentskim postupkom za dostavu ponuda za nabavku radova: Iluminacija starog grada Blagaja (utvrde herceg Stjepan grada) u Blagaju kod Mostara dostavom tenderskog dokumenta trojici ponuđača, koji imaju Ovlaštenje Federalnog ministarstva prostornog uređenja u skladu sa članom 38. Uredbe o uređenju gradilišta, obaveznoj dokumentaciji na gradilištu i sudionicima u građenju ("Sl.novine FBiH" broj: 48/09 i 75/09), a dana 26.10.2016.g. Agencija "Stari grad" je obavještenje o nabavci bez tenderske dokumentacije objavila na portalu javnih nabavki broj: 1235-7-3-40-3-8/16 .

Pored toga u toku trajanja tendera Agenciji "Stari grad" četvrta firma se javila elektronskim putem za preuzimanje tenderske dokumentacije i nakon dostavljanja iste potvrdila primitak tenderskog dokumenta Agenciji "Stari grad".

Procijenjena vrijednost javne nabavke je 30.000,00 KM bez PDV-a.

Po izvršenom uvidu u Zapisnik o otvaranju ponuda broj: I-25-965-9/16 od 08.11.2016.godine utvrđeno je da je Komisija za nabavku izvršila uvid u tri (3) dostavljene ponude, blagovremeno i pravilno izvršila otvaranje i pregled prispjele ponude, o čemu je sačinila odgovarajući zapisnik o otvaranju ponuda u kojem je utvrđeno slijedeće:

Do 08.11.2016.godine u 12:15 sati, blagovremeno su zaprimljene ukupno tri (3) ponude i to od ponuđača: "AMITEA" d.o.o. Mostar, Bišće polje bb, 88104 Mostar, ukupna cijena ponude sa PDV-om je 33.797,79 KM, "Elko-Marić" d.o.o. Mostar, M.Tita 294, 88000 Mostar, ukupna cijena ponude sa PDV-om je 37.098,36 KM i D.O.O. "IZGRADNJA TOJAGA " Export-Import Mostar,Bišće polje bb, 88104 Mostar, ukupna cijena ponude sa PDV-om je 38.523,42 KM.

Neblagovremenih ponuda nije bilo. Zapisnik o otvaranju ponude je dostavljen trojici ponuđača 09.11.2016.godine, koji su potvrdili prijem istog.

Komisija za javne nabavke je dana 09.11.2016.godine izvršila ocjenu ponude i sačinila Zapisnik o ocjeni ponuda broj: I-25-965-10/16 na osnovu kriterija za dodjelu ugovora tehnički zadovoljavajućoj ponudi sa najnižom cijenom, a u skladu sa uslovima naznačenim u tenderskoj dokumentaciji broj: I-25-965-5/16 od 26.10.2016.godine i obavještenju o nabavci broj: 1235-7-3-40-3-8/16 dana 26.10.2016.godine.

Komisija za javne nabavke dostavila je direktoru Agencije "Stari grad" Zapisnik o ocjeni ponuda broj: I-25-965-10/16 od 09.11.2016.godine sa Preporukom o izboru najpovoljnijeg ponuđača.

Na osnovu člana 65. i 69. stav 1. tačka a) Zakona o javnim nabavkama ("Službeni glasnik BiH" broj: 39/14) Komisija za javne nabavke direktoru daje: Preporuku da se ugovor o



nabavci radova: Iluminacija starog grada Blagaja (utvrde herceg Stjepan grada) u Blagaju kod Mostara, dodjeli ponuđaču "AMITEA" d.o.o. Mostar, Bišće polje bb, 88104 Mostar, iz razloga što je njegova ponuda ocjenjena kao najpovoljnija ponuda.

U postupku ocjene provedenog postupka Direktor Agencije "Stari grad" nije našao razloge nepravilnosti niti propusta u radu, koji bi eventualno bili osnov za neprihvatanje Preporuke Komisije za nabavku.

Uvidom u priloženu dokumentaciju neosporno je da je izabrani ponuđač "AMITEA" d.o.o. Mostar, dostavio zadovoljavajuću ponudu sa najnižom cijenom, odnosno najpovoljniju ponudu, a u skladu sa uslovima naznačenim u tenderskoj dokumentaciji broj: I-25-965-5/16 od 26.10.2016.godine i obavještenju o nabavci broj: 1235-7-3-40-3-8/16 od 26.10.2016.godine.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, člana 70. stavovi (1), (3) i (6) i člana 89. Zakona o javnim nabavkama ("Službeni glasnik BiH" broj: 39/14), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14) i člana 4. Pravilnika o unutrašnjoj organizaciji Agencije "Stari grad", direktor Agencije "Stari grad" odlučio je kao u članu 1. ove Odluke.

#### PRAVNA POUKA:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

AGENCIJA " STARI GRAD ", Ul.M.Tita 170 (172), 88000 Mostar.

Žalba se podnosi u najmanje (3) tri primjerka.

Prilog: Zapisnik o ocjeni ponuda Komisije za javne nabavke broj: I-25-965-10/16 od 09.11.2016.godine

Direktor:  
  
Miralem Fajić, dipl.pravnik

#### Dostaviti:

- 1 "AMITEA" d.o.o. Mostar, Bišće polje bb, 88104 Mostar
- 2 "Elko-Marić" d.o.o. Mostar, M.Tita 294, 88000 Mostar
- 3 D.O.O. "IZGRADNJA TOJAGA " Export-Import Mostar, Bišće polje bb, 88104 Mostar
- 4 a/a